



## Պարույր Սևակ

### Ինքն իրեն հետ

Քրտնքից խաշված իր հին գլխարկը թեքած աչքերին,  
Ինքն իրեն հետ է առնում ու տալիս Մարտիրոս քեռին.  
«Ախար, ա՛յ հոգիս, էս ո՞նց կլինի աշխարհի բանը»,-  
Ու ջրադացում տրված օրդերն է կոխում գրպանը:-  
Խոսքի օրինակ, ա՛յ, հենց մեր գալում պահեստապետը:  
Մինչև որ ձեռքիդ գոմբախ շունենաս՝ չես խոսի հետը:  
Շներին կապել ու բաց են թողել էդ տնավերին,  
Ինչ է թե երեկ շրջկոմ է ընկել իր քեռու քեռին:  
Բայց դե աշխարհքըս ո՞ւմն է մնացել, որ դրանց մնա,  
Անարդար բանը անոթի շանն էլ, չէ՛, կույ չի գնա:  
Ա՛յ, էսքանն էլ ճիշտ (գույգ փոշտում է Մարտիրոս քեռին,  
Եվ դրանից էլ գլխարկն է իջնում, կախվում աչքերին):  
Նա - և կոմունիստ: Գիտի-չգիտի մի «ուռուս», «կեցցե»:  
Տո՛, ի՛նչ կոմունիստ... Թե դրան վերցնես ու թոնիր զցես,  
Վրայից անգամ կոմունիստ մարդու մշահոտ չի գա...  
Ա՛յ, ինչ են ասել, թողնես՝ ամենքին կպցնի «հակա»:  
Դեհ, էլ ո՞ւմ ասեմ, որ քսան տարի էդ մարդու տղան  
Ձեռքը չի բռնել ո՛չ մանգաղ, ո՛չ բահ, ո՛չ փոցխ ու եղան.  
Կա՛մ հանդապահ է, կա՛մ կալի հսկիչ,- ման գալիս էշխով,  
Ուշունց է տալիս - և դրա համար ստանում աշխօր:  
Բենզին է տանում տրակտորիստին - ինչ խոսք որ ԳԱԶ-ով,

Մսի մթերման տավարն է հանձնում - էն էլ ի՛նչ նագով:  
Բա լավա՞ծ բան է. շորս - հինգ փութ ցորեն շաղաց ես տանում,  
Նա՛ օրդեր գրում, դրա համար էլ... աշխօր ստանում:  
Թե իրեն ասես՝ մի բան չես արել էս քսան տարում,  
Կասի՛ ժողովո՛ւրդ, սա մեր կարգերի հիմքերն է փորում:  
Թե մեկ էլ ասես, կգոռա՛ բա ո՞նց, պարտիական եմ:  
Է՛հ, ի՛նչ դուրս եկավ. նա՛ պարտիական, ես պարտակա՞ն եմ...  
Քրտնքից խաշված իր հին գլխարկը թեքած աչքերին,  
Ինքն իրեն հետ է առնում ու տալիս Մարտիրոս քեռին:  
Չգիտի քեռին, որ այդ նույն պահին իրենց շրջկոմում  
Պահեստապետին ու նրա քեռուն պատին են գամում...

15.V.1954թ.

Մոսկվա